



UNIVERSITÄTS-
BIBLIOTHEK
PADERBORN

**Exercitia S. P. Ignatii Via Ad Salutem Et Perfectionem
Propriam & alienam, Tuta & perpetuo tenenda**

Ignacio <de Loyola>

Hildesii, 1713

VD18 13664689

Meditationes De Sacrosancta Eucharistia Pro Quavis Feria Totius Anni.

[urn:nbn:de:hbz:466:1-60348](https://nbn-resolving.org/urn:nbn:de:hbz:466:1-60348)

Dominicâ XXIV. post Ss. Trinit.

Si tetigero tantum vestimentum ejus, salva ero. Matthæi 9. Scopus: Magna in Christum fiducia, in omnibus necessitatibus, miseris. Vide d. 5. m. 1. & d. 7. beneficia. d. 8. m. 1. item perfectiones divinas in Christo d. 8. conf.

Dominicâ XXV. post Ss. Trinitatem.

Cum videritis abominationem desolationis.. in loco sancto. Matth. 24. Scopus: Nihil abominabile Deo, & indignum agere loco sancto. Locus sanctus est anima tua. d. 8. m. 2. p. 3. d. 1. m. 1. Est vocatio religiosa. d. 5. m. 1. d. 6. Est officium religiosum, & actio omnis. Secus erit tribulatio magna. d. 3. 4.

Dedicatio Templi.

Ecce Tabernaculum Dei cum hominibus. Apoc. 21 Scopus: Sanctè uti loco sancto, seu templo, ob divinas perfectiones, quibus sanctum est. d. 8. conf. animam verò etiam, & corpus facere templum sanctum Dei d. 8. m. 2. p. 2. 3.

In die anniversaria alicujus beneficii.

Sumi potest d. 8. m. 2 p. 1. de beneficiis Dei.



MEDITATIONES

DE

SACROSANCTA EUCHARISTIA PRO

QUAVIS FERIA TOTIUS ANNI.

Primò: Sumi potest materia præcedentium feriarum; perpendendo, qualia ad præsentem virtutem motiva, exempla, subsidia præstare possit, & debeat Eucharistia &c.

Secundò

Secundo: Potest sumi ex historia Evangelica textus unus huc pertinens, V. g. ex Joannis 13. *Sciens Jesus, quia venit hora ejus... cum dilexisset suos Matthæi 26. Accepit Jesus panem, & benedixit, ac fregit, deditque &c. Accipite & comedite &c.* Hoc est corpus meum. Accipiens calicem, gratias egit, & dedit illis dicens: *Bibite ex hoc omnes.* Aut ex formula consecrationis.

Tertio: Expendantur omnia more, & praxi consuetâ in materia historica, de qua in præfatione, & d. 5. m. 2. pro 3tio verò puncto (in quo expendendæ sunt personarum actiones) sumi potest unum, aut duo ex illis, quæ mox subjiciuntur, ipsiusque Eucharistiæ dignitatem explicant: scilicet Eucharistiæ contentum, attributa divina illic elucentia: miracula, virtus, & efficacia à Christo intenta, virtutes à Christo exercitæ, Christi illic tituli, & officia, denique Eucharistiæ figuræ, & comparatio.

Quarto: Doctrina practica desumi potest ex veritatibus variis Exercitiorum, quæ tunc statui præfenti animæ magis convenit, aut aptior materiæ est.

Quinto: Affectus sunt exercendi intensi ob rei magnitudinem, fidei, confessionis, æstimationis, admirationis, humilitatis, adorationis, gaudii, gratiarum actionis, amoris, complexus, desiderii ad magnum fructum, spei, invitationis, studii, præparationis, contritionis, petitionis, invocationis aliorum d. 8. conf. §. 3. n. 4. 5.

Eucharistia contenta.

Deus, & omnis divina perfectio d. 8. conf. §. 1.

P 5

Ss. Trias,

Ss, Trias, Iesus Christus, ejusque corpus, anima, sanguis, Christi mox repræsentative: Christus cum aperto thesauro meritorum suorum, Iesus Mariæ filius.

Attributa elucentia Dei & Christi.

Sapientia, potentia, veritas & fidelitas, bonitas, voluntas sese & omnia communicandi, misericordia, sanctitas, familiaritas, dulcedo &c. d. 8. conf. §. 1.

Miracula.

Annihilatio panis, & vini, momentanea præsentia Christi & quasi obedientia, existentia sub speciebus alienis & vilibus. Existentia specierum, & operatio sine subjecto. Adhæsiō Christi ad illas species, existentia & præsentia tot simul locis; existit totus in toto, & totus in quavis minima parte; mansio, donec species corrumpantur.

Virtus & efficacia intenta à Christo.

Necessaria, Deo digna, infinita per Christum Dei gloria, laus adoratio, gratiarum actio, amor, submissio, obsequium, propitiatio, supplicatio. Totius generis humani bonum, ut habeat pro omni suo debito erga Deum, & necessitate Deo dignum Sacerdotem, & Sacrificium; Emundatio à peccatis, habitibus malis, & pro minuendo fomite peccati, præservatio in futurum, confortatio contra inimicos animi, & tentationes. Cibus, qui suo modo transeat in substantiam aliti, augmentum gratiæ sanctificantis, & habituum supernaturalium, & amicitia Dei, augmentum gratiæ auxiliantis, ad omnem virtutem, & perfectionem vocationis; ut vivat in te Christus, ut tuus sit Christus

stus

stus novo titulo, & tu Christi: ut sit omnium operum tuorum major bonitas, & meritum. Memoriale passionis, amoris, & omnium mirabilium Christi. Viaticum, & præparatio ad mortem, & donum perseverantiæ; unio cum Deo, & Christo, corporis, animi, & familiaris amoris; pignus unionis æternæ; ut induamus perfectiones divinas ad augmentum gloriæ æternæ Dei & tuæ, ut ad omnia bona, quæ homo sperare, ad omnia mala, quæ timere potest, præsens habeat pretium, subsidium, solatium.

Virtutes à Christo exercitæ.

Humilitas sub tam vilibus speciebus &c. obedientia ad vocem hominis. Religio erga Deum. Amor Dei, zelus animarum, charitas erga homines, pro quibus mortem suam exhibet, denuò mori paratus; quibus conjungi nunc & æternum desiderat, liberalitas patientia, & longanimitas.

Tituli & Officia.

Sacerdos-Victima-Advocatus, Medicus, Consolator, Adjutor, Dux, & Socius, Magister, Amicus, Fidelis, Frater, Pater, & Mater, anima animæ, Sponsus.

Comparatio, & Figura.

Manna, arbor vitæ, fons vitæ, Agnus paschalis, Cœna magna, Incarnatio mystica.



MEDITATIONES

DE PASSIONE DOMINI

PRO QUAVIS FERIA TOTIUS ANNI.

Modus meditandi idem esse potest, qui in exercitiis